

TUMELO

 Empa u tlameha ho ba le tumelo ho Molimo, ho etsa hore e sebetse. Lea bona? Ka baka leo ka ho uena u ruile tsoho ea hao. Tsoho ea hao e robetse ka ho uena, moeeng oa hao.

² Joale, lea tseba, mohla Jesu a na a e-shoa sefapanong, “Soule ea Hae e theohetse liheleng ‘me ea bolella lisoule tse teronkong, e sa kang ea baka mehleng ea mamello Nohe.” ’Mele oa Hae o ile lebitleng. Empa, pele A e-shoa, O nehetse Moea oa Hae matsohong a Molimo. Ka har’ a letsoho . . . “Ke nehela Moea oa Ka matsohong a Hao.” Ka hona, lea bona, Moea oa Hae o ile ho Molimo; soule ea Hae e ile liheleng; ’mele oa Hae o ile lebitleng.

³ Joale, Moea oo o neng o ahile ka ho Eèna e ne e le Moea oa Molimo. “Moea oo, mehleng ea khale le ka mekhoa e fapaneng, o tlotsitse baporofeta, ho tlisetsa batho Molaetsa; matsatsing a qetelo, ka Kreste; ‘me joale, matsatsing ana mona, ka Evangel.” Joale, ha re amohela Kreste pelöng ea röna, ke phetho seo re se hlokang. Bophelo boo Bosafeleng.

⁴ Joale, Kreste o ne a ka sitoa ho khutla pele matsatsi a mararō a phethehile. Hobane, Moea oa Hae o ne o potetse ka morao ho lesira, joalo ka lerako, ka tsela *ena*, A ke ke t̄sela lerako leo, hobane e ne le e Lentsoe la Molimo le builoeng, ho re, “O tla robala lebitleng matsatsi a mararō le masiu mararō.” Joale, A ke ke a khutla ho fihlela matsatsi a mararō le masiu a phethehile. Hoba matsatsi a mararō le masiu a phethehe, Moea oa Hae oa lokolloa. Oa theohela ka kotloloho ho soule ea Hae, ‘me soule ea Hae ea khutla ea thonaka ‘mele, ‘me ha phethisoa seo A se buileng. “Ke na le matla a ho beha Bophelo ba Ka fatše. Ke na le matla a ho boela ke bo nyolla hape. Ke na matla.”

⁵ Joale, e mong le e mong oa lōna o ruile matla, a t̄soanang, kahobane le bara le barali ba Molimo. ‘Me ’ona Moea o ahileng ka ho uena, hoseng hona, Moea o Halalelang o ahileng ka ho uena hoseng hona, ke ’ona Moea o Halalelang o tlang ho u tsosa. Ka hona, u ruile matla a ho boela a u tsosa hape.

⁶ Ha u eshoa, soule ea hao e kena koana—e kena koana . . . tlas’ a aletare ea Molimo, e seng ka . . . hona Boteng ba Molimo. Joale, seperete sa hao se tla ea ho Molimo, empa u ke ke ua khutla. Hopola, ka Bibeleng, E itse seperete . . . “Soule e tlas’ a aletare, e a hooeletsa, ‘Morena, ho tla ea ha kae, ha kae?’” ‘Me ba ke ke ba khutla ho fihlela Mangolo a phetheha, ‘me, joalo ka Kreste, ea sitiloeng ho khutla pele Mangolo a phetheha. Ebe, ka morao ho moo, sohle se entsoeng, litšotleho tsohle li phethehile, ‘me baena ba utloile bohloko ba tsona lintho tseo, kapa re utloile bohloko joalo ka bona ha ba utloile bohloko, le joalo-joalo; ‘me

ka hona, ka letsatsi leo, u tla tseba hantle moo u epetsoeng teng, seperete sa hao se tla lokollooa ho Molimo 'me se tla tla ho soule.

⁷ Joale, soule ke karolo eo ea hao e tsebang le e utloisisang, hhalohanyo ea hao. Le sa hopola pono ea ka nakoana e fetileng, kapa phetoho e nyenyane, mohla ke ne ke kena tulong ke bona batho bao? [Phutheho e re, "Amen."—Mohl.] Joale, seperete sa hao se tla khutieila 'meleng oo, 'me 'mele oa mofuta oo—oo, soule, ke 'mele o sa lokelang ho ja le lintho tse joalo. "E ka re ha tabernakele ena ea lefatše e senyeha, re na le e re emetseng," 'mele oa leholimo oa seleshiale. "Me ka seperete seo, le ka soule eo le ka 'mele oa leholimō oa seleshiale, u tla boela o tsosa 'mele ona oa tlhaho bakeng sa Sekete se seholo seo sa lilemo. Lea bona? Hona joale u ruile ka ho uena matla, a ho etsa joalo, joale. Empa, matla ao u a ruileng hona joale, a ka bopa lefatše le lecha. Molimo ha o na likolinyana, tse fokolang; le mathebahali a matla, a boima a matla. Kamo ea Molimo e nyenyane ka ho fetisisa e matlaohle, lea bona, kamo ea Molimo e nyenyane ka ho fetisisa. Ka hona, lea tseba.

Ka hona joale ke leka ho u kenya tumelong.

⁸ Ua tseba joalo ka Mokreste, ntho e etsahetse ho lōna. Na lea e tseba? [Phutheho e re, "Amen."—Mohl.] U ne u khoosa tlase *mona*, u fula tšila eohle le sebe, le ho noa, le ho mokola, le—le lintho tsa lefatše. Be, hang hoba u lumele Kreste a u tšoaretse libe, u ile ua e phahamela nyee eo. Joale u palame holimo *mona*, ua bona, holim'a eona eohle. Hobane'ng? Hobane u lumetse hore u Mokreste. Ea re ha u amohela Kreste, 'me Moea o Halalelang o kena ka ho uena, ua fumana tumelo ho Moea o Halalelang, e u fang matla ho phahama u palama holim'a bophelo ba mofuta oo ba sebe.

⁹ Be, joale, u tlameha ho etsa ho le hong, ho palama u nyolohela pholisong, ke ho tootisa tumelo ho feta, se phetse feela—feel a ho e sutumeletska ntle. Lea bona? 'Me ke moo. Joale ha u kula, 'me u se Mokreste, e ba Mokreste hona joale, hore matla ao a pholiso a kene ho uena, ka ho ba Mokreste. 'Me hoo ho tla u nea matla a ho phahama u palama holim'a sebe. Hoo ho tla u nea tumelo. 'Me sohle seo u se hlokang, leetong lena, se ka ho uena hantle hona joale. 'Me ntho e le 'ngoe eo u tlamehang ho e etsa ke ho ba le tumelo ho Molimo, hoo ho sutuletsa ntho e molemo eo e ahileng ka ho uena ka ntle, e ahileng ka ho uena, ka Moea o Halalelang. Na le utloisia ka ho hlaka joale? Le e tšoere na? [Phutheho e re, "Amen."—Mohl.]

¹⁰ Kea kholoa Billy o mpoleletse, maobane bosiu, o ntetselitse a re, "Kena ka hare, hoseng hona, haholo bakeng la motho a le mong ea tlileng, a hopotse re tšoere litšebeletso vekeng ena, tsa Litiiso tse Supileng tseo." 'Me ba tlisitse ngoana ea kulang, kea kholoa. 'Me ha u le teng mona, monghali, hopola, u ke ke ua

khona . . . Tumelo ea hao—ea hao e tlameha ho sebeletsa ngoana eo, haeba a—haeba a le monyenyané, e le ngoana oa leséa.

¹¹ Empa joale e reng ke qotse Lengolo le leng, haeba ho itoketse, nakoana feela. [Moena Neville o a arabela, “Tsoelapele hantle, moena. Amen.”—Mohl.]

¹² Hopolang feela, joale, Lievangeling, re bala koana khaolong ea 16, kea lumela, ea Liketso, bosiu bo bong mohla Pauluse le Silase ba hlahletsoeng teronkong. ’Me ba sa tsoa shapuoa kahobane ba lelekile moea oa diabolosi ho ngoanana oa senohe. ’Me e le . . . ’Me, èëna, ketso eo ea halefisa benghali ba hae. Ba ba shapa, ba ba hlahlela lichankaneng tse ka hare. ’Me ha ba entse joalo, ea re Pauluse le Silase ba ntse ba rapela, Molimo oa reketlisa lefatše oa sisinya chankana ea heleha.

¹³ Molebeli oa chankana oa Mofilipi, e leng molaoli oa lekholo, etsoe, tahlehelo ea batšoaruoa ba hae—ba hae, e ne e phethetsoa ka bophelo ba hae ho lefa batšoaruoa. ’Me eaba o tsomula sabole ea hae ho iphenetha, ’me Pauluse a titima a re, “U se ke ua itlhahisetsa bobo bofe. Re sa le kaofela bohle mona.”

¹⁴ ’Me molaoli enoa oa lekholo, ha re re, ba ne ba hopotse ka hore-le-ka-hore ka Pauluse le bao ba joalo. Mohlomong ba binne lifela. Kapa ba pakile, kapa ba entse ho hong. Empa, e ka bang eng, ba tsebile hoba ke banna ba halalelang. Ba tsebile ntho e fapaneng e le teng ka banna bao. Hobane, kapele, o botsa, “Ke tla etsa joang ho bolokeha? Ke tla etsa joang ho bolokeha?”

¹⁵ Joale, Pauluse o itse, “Lumela ho Morena Jesu Kreste, ’me uena le ba ntlu ea hao le tla bolokeha.”

¹⁶ Be, joale, haeba ho lumela ho Morena Jesu Kreste . . . Ha se hore pholoso ea *hae* e tla boloka ba ntlu ea hae. Empa haeba a lumela ka ho lekaneng ho Molimo bakeng sa pholoso ea hae, a ka sebelisa tumelo eona eo ho ba ntlu ea hae. ’Me ba ntlu ea hae ba tla tlameha ho kena, lea bona, ka ho tšoana.

¹⁷ Le Jobo o entse joalo, ke buile joalo bosiu bo bong, tlase Georgia, kopanong. Ke itse, “Jobo, o itse, ‘Joale, ha ke tsebe haeba bana ba ka ba entse sebe, empa ho ka thoeng haeba ba entse sebe?’” ’Me Jobo a tlameha ho etsa ho le hong, ho loka, hono, e le ho hlahisa secheso. O itse o tla hlahisa secheso, ha e ka ba bana ba hae ba sitiloe, ’me ba tla tšoareloa sebe sa bona. ’Me ntate eo o entse hantle. Ke ntate ea nahanang hantle eo. Kajeno re hloka bontate ba mofuta oo. ’Me Jobo o hlahisitse secheso. Ke pejana koluo a mo oela holimo.

¹⁸ Empa mohla bana ba hae ba bolaoang bohle, le manku a hae a falatsoa, le tsohle tseo a li ruileng, li hapuoa, o ne a lutse thotobolong ka morao ho ntlu ea hae, a ikhoabitla ka lejoana.

¹⁹ Na le lemohile, hoba litšiu tsa tlakotsi ea hae li fete, mohla Molimo o qalang o mo buselletsa? E ne re ha likhomo tsa hae li le likete tse leshome, le lintho tse joalo, Oa mo buselletsa habeli. Oa

buseletsa linku tsa hae habeli, oa buseletsa tsohle habeli. Empa na u lemo hile? 'Me Molimo o boetse oa buseletsa Jobo bana ba hae ba supileng. Na u kile ua nahana moo ba neng ba le teng? Ba emetsoe ke nyehelo eo ea secheso. Ba ile ba bolokeha, ba koana Khanyeng, ba mo emetse ho fihla. O na le bona kajeno. "Uena le ba ntlu ea hao le tla bolokeha." Lea bona? Joale, Jobo a tlameha ho etsa ho le hong, ho ba ea lokileng, e ne e le ho hlahisa secheso.

²⁰ U lokela ho etsa ho le hong, ho loka, sona, ke ho ba le tumelo ho Molimo. Hoba, u bolokehile ka tumelo, u folisitsoe ka tumelo, sohle u se fumana ka tumelo. Lea bona? Ke ka tumelo, ha u e lumela. Joale, "Lumela ho Morena Jesu Kreste, 'me uena le ba ntlu ea hao le tla bolokeha."

²¹ Joale, monghali, haeba u tšoere lesea le tlileng ho rapelloa mona, u lumele, ka bo-ueno. Ke mona ho teanya tumelo ea ka le ea lōna, 'me re tla lumela, 'moho, hore Molimo o tla folisa lesea leo.

²² Lea bona, ka ho rōna re ruile matla a ho etsa hoo. Matla a ho e etsa a ahile ka ho uena. Mokreste e mong le e mong o ruile matla a ho e etsa. Empa joale hola feela re ka fumana... Matla ao a laoloa ke molao.

²³ Ke buile khafetsa, ho joalo ka khoheli e laolang metsi, hobane ke molao. Khoheli e laola metsi.

²⁴ Letsatsi, le laoloa ke e—ke e... kapa lefatše, ho phikoloha ha lefatše. U ke ke ua laela letsatsi ntho e itseng, ho re, "Kea kholoa ke batla ho robala haleletsana. Ak'o emise hora." Le ke ke la etsa joalo, ua bona, hobane molao o teng. Ha u ka sebetsa ho latela molao oo, be, ka hona, sohle se tla itokela. Ha u ka robala ka nako, u tla phaphama ka nako. 'Me haeba u...

²⁵ Joalo ka ha re fumana Letša Superior, Letša Ontario, Letša Huron, le Matša a Maholo ao 'ohle holimo mona. Ka ntłe koana re fumana liakere tsa mashome a likete a atisoang ka likete tsa mobu koana Nevada, le California, le Arizona, le New Mexico, o nyoriloeng, o batla metsi ao, lefatše leo le ka melisa ntho efe feela. U ka fepa lefatše lohle, ka ntłe mane, holane feela u ka fihlisa metsi ana, a holimo mona, tlase mona. 'Me e ke ke ea le tšoenya ka letho, hobane a pepeloa ke molapo. Hang feela ha a e-tsoa, a boela a tlala a tsitsa hape, hoba a tšoeroe ke khoheli mono. Be, joale, ha u ka sebetsa ka molao oa khoheli, u ka minya Matša a Maholo ana 'ohle oa nosetsa naha eohle ka ntłe ka mane, ho fepa lefatše lohle, ha ho motho ea ka bolaoang ke tlala. Empa u ke ke ua lula mona 'me ua re, "Yaa. Kea e bona. Ehlide." U tlameha ho tloha ho ea e etsa.

²⁶ Be, le molao oa Molimo o joalo. Molao oa Molimo ke tumelo. 'Me mona re na le tumelo, hoseng hona, ho folisa boloetse bofe, ho etsa ntho efe. Empa a laoloa ke molao, 'me molao oo ke tumelo. Molao oa Molimo ke tumelo. Jesu itse, "Tseo le li batlang, ha le rapela, ha le lumela hobane le li fumane, le ka li fuoa." Ke moo

he. Ka hona, ke tumelo e laolang hoo, 'me tumelo re e fuoa ho ea ka moo re hlokang. Joale, rea tlameha... Molimo o balla ba bang tumelo e itseng, ba bang tumelo e 'ngoe. Ha se matlahali a mohlololo ao u a ruileng. Hobane, ha u fetoha Mokreste, u—u se u fumane matla, empa u haelloa ke tumelo ea ho sebelisa matla ao.

²⁷ Ka hona joale, hoseng hona, ha u tlela ho rapelлоа, hopola, Bibele e buile sena. Ena ke 'nete. Jakobo 5:14, "E mong har'a lōna, ha a kula, a bitse baholo ba kereke. Ba tla mo tlotsa ka oli, 'me ba mo rapelle. Thapelo ea tumelo e tla pholosa mokuli, 'me Molimo o tla mo tsosa." Ke tsepiso, u tla e lumela. Ka baka leo, lea bona, pholiso e baletsoe motho ka bomong.

²⁸ Ke matsatsing a Jesu oa Nazaretha. O sitiloe ho folisa batho khahlano le tumelo ea bona—ea bona ka sebele. O itse, "Nka khona, ha u lumela. Ha u lumela hobane Ke khona ho etsa sena, Nka e etsa hoo." Ha u ka e lumela!

²⁹ Ka hona, batho ba bang ba thsemetsa e—ba thesemetsa matla a pholiso nthong e 'ngoe, ho baevangeli. Ha se eona. Matla a pholiso a ahile ka ho uena. A ahile ka ho uena. Ba mpa ba qhanehile koloi ka pel'a pere. Moevangeli ha a rua matla a pholiso.

³⁰ Ke Moea o Halalelang o ruileng matla a pholiso, 'me u na le Moea o Halalelang. U sefatjana seo, 'me tsohle tseo u li hlokang li ahile ka ho uena. Ka hona, ka baka leo, u qala feela u e-noa tsepisong ea Molimo, ho re, "Ke 'nete. Molimo o itse O tla mphekola. 'Ke pholositsoe ka maqeba a Hae.'" Ke moo. Na u tseba seo u se etsang? U qala u sututsa o hotolla pholiso, ke phetho. Lea bona? 'Me e be, moo ba bang ba bonang seo u se ruileng.

³¹ Joale seo e leng sona, "Tumelo ke kholiso ea lintho tse lebeletsoeng; bopaki ba lintho tse sa bonoeng."

³² Nka lema sefatjana seo ka ntle. Ha ke bone liapole, feela li teng ka mono. Sefatjana seo se tseba li le teng ka mono. Ka hona se qala se e-noa, se sututsa le ho sututsa, hoba se tsebile, "E ka hare ho 'na. Ke tla e hotolla ka mor'a nakoana. Mpheng nakoana feela. Mpheng nakoana feela." Se lula se e-noa. "Yaa, kea tseba liapole li ka ho 'na. Ke tla li hlaha, ka mora nakoana." 'Me ntho ea pele lea tseba, ke tsena li hlaha. Liapole ke tsena li hlaha, hobane se lumetse li le ka ho sona.

³³ 'Me ha u lumela hobane matla a Moea o Halalelang a ka ho uena, ho u folisa, ke eona. Lula u sututsa. Lea bona? U na le tumelo. Ha u bone liphetoho ka pele. Ha u e bone.

³⁴ Joale, lea bona, Jakobo o lokafalitse Abrahama ka mesebetsi ea hae. Pauluse o lokafalitse Abrahama tumelo ea hae. Re reng ka hona, ka ba babeli bao? Abrahama o ne a bua ka eng... Ke bolela, Pauluse o buile ka seo Molimo a se boneng ka ho Abrahama. 'Me Jakobo o buile ka seo batho ba se boneng ka ho Abrahama. Lea bona? Joale, lea bona?

³⁵ Ka baka leo, Molimo o tsebile seo, pele lesea le fihla, Abrahama a ba le tumelo. 'Me Abrahama o e paketse Molimo, a itšoara e ka hojane (eèna) lesea le tla fihla athe o ne a shoele. O ne a se na bana. Popelo ea mohatsa'e e ne e shoele, le eèna o ne a shoele. Empa, koana, o tsebile, "Lesea le ne le le teng kae-kae ka mono." Lea bona, a lula a e-noa tsepiso, a itšetlehile ka El-Shaddai e khòlò ea Molimo, *Letsoele*. Ho itšetleha mono, ho noa, ho tseba hoba Molimo o tla mo nea lona; ho tseba hoba e ne e le tsepiso, 'me A tlameha ho e phethisa.

³⁶ 'Me rōna re bana ba Abrahama. Joale ha re itšetleheng tsepisong ea Hae, le ho tiisetcta mono, ka ho tseba Molimo a tla e phethisa. O itsalo. Lea e lumela joale? [Phutheho e re, "Amen."—Mohl.]

³⁷ Joale bakuli ba bope mola lephakong le leng kapa ho le leng, ba batlang ho rapelloa. 'Me haeba re ka tlisa moholo mona ho ba tlotsa ka oli, ke tla ba rapella, 'me re tla lumela hoba Molimo o tla folisa e mong le e mong oa bona. "Ha u ka lumela feela."

³⁸ Teddy, u ho kae? Pota le ka mona ka ho le letona. Ke hantle. 'Me ke batla u letse *Lumela Feel*a.

³⁹ 'Me e re ba sa tla, re ka inamisa lihlooho tsa rōna feela, letšoele le leng lohle, 'me ha re luleng thapelong ea batho bana ba tlang.

⁴⁰ Ntata rōna ea Leholumōng, re U tlisetsa, sena hoseng hona, ka Lebitso la Jesu Kreste, bathoana bana, ba kulang, morabe o tšoenyehileng habohloko tjena, o maemong a tšenyeho. Kea U lumela, Morena. Kea—ke a tseba Mantsoe a Hao ke 'nete. Ehlide ke a 'nete! A ke ke a hholeha, hoba ke a Molimo a Bosafeleng 'me ke Lentsoe le hholang ka mehla. A matla-'ohle, joalo ka Molimo, hobane ke karolo ea Hae. "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna." Joale, re lumela seo, Morena, ka lipelō tsohle tsa rōna, ka moea oa rōna 'ohle, ka sohle se leng ka ho rōna. Rea e lumela.

⁴¹ 'Me ke lekile, ka mokhoa o bonolo, o kang oa ngoana, ho e hlahisetsa batho, ba tle ba utloisise 'me ba tsebe hoba Matla a Molimo a ahile ka ho bona. Hola feela ba ka ba le tumelo 'me ba sala litaelo tsa Molimo morao.

⁴² Ba kile ba pholosoa joalo. Ba tlie ba baka libeng tsa bona, 'me ba kolobetsoa ka Lebitso la Jesu Kreste, ho latela Bibele ena, Liketso 2. 'Me eaba Petrose a bua, a re, "Le tla fuoa neo ea Moea o Halalelang." 'Me ke Oona o fihla, hantle feela, hobane Ke Lentsoe la Molimo le bonahalitsoeng.

⁴³ Be, joale, ho a tšoana, Ntate, rea tseba ke 'nete, ha re tlotsa bakuli ka oli, re ba rapella. "Thapelo ea tumelo e tla pholosa mobabi. Molimo o tla ba tsosa." Molimo, e mong le e mong a tlohe aletareng ena, tulong ena hoseng hona, ka thabo le ka nyakallo,

ba tseba hobane Molimo o ba folisitse. "Tloha, u fole." Hoba re ba nehela Uena joale, ka Lebitso la Jesu Kreste.

⁴⁴ E mong le e mong a folisoe, a tšoare pono, seo e se bolelang. "Joalo ka Abrahama, ha a bitsitse lintho tseo, tse leng sieo, e ka hojane li le teng." Ho sa sotelehe liphetho, tumelo ha e amane le eona ka letho. Liphetho ha se letho. Tumelo e se e tšoere. "Me tumelo ke pontšo e tiileng ea lintho tse lebeletsoeng, le kholiso ea lintho tse sa bonoeng." Molimo, e ke e thopothele botebong ba lipelō tsa bona, hoba ba hloka Uena.

⁴⁵ Ke tloha joalo ka mohlanka oa Hao ea ikokobelitseng, ho ema mona mabapa le bahlanka ba bang, le ho rapela Molimo ho kopanya lipelō tsa rōna bakeng sa bakuli bana. Re e kopa ka Lebitso la Jesu. Amen.

⁴⁶ Motho o tlalehile Moena Estle Beeler a le ka tlung. 'Me hape kea kholoa moreri e mong o teng mona, o butse ka thapelo, hoseng hona. Re rata ho kōpa bareri bohole mona, seo ba leng sona, haeba le ka nyolohela koano 'me la ema le rōna aletareng ena, nakoana feela, hanyenyane, hleng, baena. 'Me banna... Moena Ben, kea u leboha. Nyoloha ueme mona hantle, aletareng mona, re tle re rapelle batho bana, ho ba bea matsoho.

⁴⁷ Joale, ha ba ntse ba letssefela. 'Me bareri ba eme libakeng tsa bona, hore rōna, e mong le e mong, re tle re bee bakuli matsoho.

⁴⁸ Ha re boneng, ho parolang thaba tlase koana. Ke bona Monna ea tlang, a sa fapania le monna ofe le kapa ofe. E le Monna oa tloaelo feela, 'mele o batla o le monyenyane, o batla o katlehile. Re 'Mona a sheba, mahlo a Hae a oelana le e—e tema tlase phuleng. E ne e le baapostola ba Hae. Ba tšoere moshanyana tlase mono, ea tšoennguang ke sethoathoa, ntle le pelaelo ba ntse ba re, "Mo folise, Morena! Mo folise!"

⁴⁹ Empa, lea bona, ho rialo feela, "Mo folise, Morena, mo folise," ho ke ke ha sebetsa. E ke ke ea sebetsa feela. Ntho e 'ngoe e tlameha ho tšehtesa hoo, "Mo folise, Morena, mo folise." Lea bona? 'Me ha nka u khontša ho lumela seo, le ho se lumela ka pelō ea hao eohle, u tla fola, ha nka u khontša ho bona pono ka 'neta.

⁵⁰ Joale shebang, barutuo a bao ba emeng mono, e ka ba mo tsukutlike, e ka ba ba mo sutumelitse ka thata ho feta. "E lumele, moena! E lumele! Alleluia! E lumele! Mo folise, Morena! Mo folise!" Empa letemonia la lula mono, hoba a sa fumana tumelo e lekaneng mono ho mo leleka.

⁵¹ Empa e Mong ke enoa o theoha a parola leralla. 'Me kapele ha letemonia leo le e lemoha e fapania le ea banna ba bang bale... Le a bona?

⁵² Joale, mono re batla banna ba mohlahloe oo, ba joalo ka Morena oa rōna Jesu. Yaa. Ha se ho tlela boipontši feela, empa

ho tla, ka ho rata Molimo oa rōna, tseba hoba re laetsoe ho ea etsa sena. Ena ke thomo ea rōna.

⁵³ Eare, ha A atamela ntate. Kea kholoa sefela se qotsitsoe mona, se qapiloe Lentsoeng. O itse, “Morena, hauhela mora oa ka, o befetsoe ke letemona hampe.” Ho re, “Le mo lahlela mollong, ’me o a ferekana, le joalo-joalo.” A re, “Ke mo nehetse barutuoa ba Hao, feela ha ba khona ho mo phekola. Empa ke—ke—ke nahana . . .”

⁵⁴ O itse, “Nka khona, ha u ka lumela. Joale, Ke ruile Matla ka hare ho ‘Na,’ O itse, “ho etsa joalo, ha u ka e lumela.”

⁵⁵ Ana Molimo o ka iphapanya batho bao ba tšoeroeng ke mofetše ba lutseng mona hoseng hona, bao esale ba tlanngoe, ba tlanngoe liphateng ke mofetše, kankere ea mali, maloetse, lipabo, na ebe Molimo o ka ba folisa a ntano u feta mohoalotso? Ha ho joalo. Che. Lea bona? Joale, A ke ke a hloleha. “Nka khona, ha u lumela.” O ile a re’ng?

Hoba tsohle lia khoneha, feela . . .

Joale, Moena Tyler, nyoloha . . . ? . . .

Joale lumela feela, lumela feela,

⁵⁶ Joale, ha ke rapela, ke batla ho bea batho matsoho. Sohle seo ba se hlokang, . . . ? . . . le ho theoha ka mola hantle.

⁵⁷ Moena Neville, uena u tlotsa ka oli, ’me baena bona . . . ? . . .

⁵⁸ Ke batla e mong le e mong le e mong, letšoeleng, le inamise hlooho tsa lōna joale. E mong le e mong a lule thapeleng e tebileng.

Feela . . .

⁵⁹ Morena, ak’o hauhele, kea rapela, ho folisa batho bana, ka Lebitso la Jesu Kreste. Amen.

Ka Lebitso la Jesu oa Nazaretha . . . ? . . .

⁶⁰ [Moena Branham le bareri ba rapella ’me ba bea bakuli matsoho, athe Moena Neville o ba tlotsa ka oli. Sekheo lebanteng—Mohl.]

⁶¹ Ba bangata hakana, moleng, ba ba shebile, ho bona karabelo kamoo ba neng ba le kateng, ho bona ka moo ba arabelang khato eo. Lea bona? E teng ntho e joalo ka khato, ba eme ba tsoela kapele. Ntho e ’ngoe, ke ka moo ba arabelang khato eo ba e entseng. Hoba ba fihle moo ba lumelang, seo, hore ha ba rapelloa, ba tla fola, le shebe karabelo ea khato ea bona.

⁶² Joale, molisa oa rōna o re tšoaretse molaetsa o babatsehang, ke tiile, hoseng hona.

⁶³ Ke batla ho hhalosa ntho nakoana feela, ke mabapi le ngoanana oa Mokatolike ea haufi le aletare. O ne a nchaketse tlung matsatsi a ’maloa a fetileng, eēna le monna oa hae. ’Me ke

tsebile monna oa hae nakoana. 'Me—'me ntho e etsahetse nakong eo re lutseng potsisisong ea poraefete.

⁶⁴ Ke hona moo re boneng pono. Ke hona moo re... Ke ne ke tloaetse ho e tšoara kerekeng mona, empa hoseng hona ke maphathe, le joalo-joalo. 'Me ka hona e ne e ka mono.

⁶⁵ Ha kea ka ka bua letho, kahobane e le ngoanana, ntho e 'ngoe hape, o holetse kerekeng ea Katolike ka mehla, le joalo-joalo. Empa o tlohile a buella 'mè oa hae. 'Me nakong eo, ka bona pono ea 'mè oa hae. Ho 'molella bothata ba 'mè oa hae, le ho mo hhalosa, le tšobotsi ea 'mè oa hae. Ehlide, e ne e le moahloli oa taba eo, e bang e lokile kapa che. Ha ke eso bone 'mè oa hae, bophelong ba ka. O tseba seo.

⁶⁶ 'Me ngoanana, hoseng hona, o tlie aletareng mona a ema, ho etsa maipolelo, le ho amohela Kreste joalo ka Mopolosi oa hae. O e entse aletareng, hoseng hona.

⁶⁷ Moena Neville, ha a tseba, o mo tlotsitse ka oli. Ka moo—ka moo Molimo o sebetsang! Ho mo tlotsitsa bakuli, ka oli. Empa le shebe khato ea Moea o Halalelang. Joale, e re ka ha a tlotsitsoe, hantle-ntle a sa kule, empa a tlotsoa. Le bona ka moo e sebetsang tsohle ka tšoanelo? A ema joalo ka Mokreste joale, hoba a fetohé seo re se lumelang e le Mokreste. Joale, o itse, "Na u ka rapella 'mè oa ka? O a kula." Ke eëna eo. Oli ea tlolo e tlotsitsoe pele. Ka nahana, ka moo e tšoaneleheng kateng, seo, lea bona, motho ea sa tsoa pholosoa feela. Kreste o re emetse bohle. O re emela bohle. 'Me hang ha ngoanana enoa e ba Mokreste, o se a batla ho emela motho e mong, hape, ho supa hobane ha re pholosoa ka 'nete Moea oa Kreste o kena ka ho rōna. Joale, hoo ho hlile ho hotle. Ke—ke hlile ke ananela seo, moea o khabane oo oa Mokreste o lumelang. Joale, le hopole feela.

⁶⁸ Joale, leleiti lena, o teng mona nqa e 'ngoe, hape le ho leleiti le leng le fetileng la Mokatolike. 'Me ke batla ho bua mantsoe ana, pele ke fetisetsa tšebeletso ho molisa oa rōna, lea bona, ke sena. [Moena Neville o itse, "Amen."—Mohl.]

⁶⁹ Joale, kereke ea Katolike e kile ea tšoana le kereke ena. Ha u ka khutla ua bala Bibebe, etsoe rea lumela, 'me lea tseba Kereke ea Katolike e ne e le Kereke ea pele. Ke 'nete. Empa e suthile Lithutong tsa Eona. *Ena* e ne e le lithuto tsa kereke ea Katolike. Empa, lea bona, ba tšoere libuka tse ka bang makholo a tšeletseng le ho hong tse ngotsoeng ke bomopapa le ba joalo, ho bona li halalela joalo ka Bibebe ena.

⁷⁰ Ka hona, ua bona, seo e leng sona, ha u eso fetoloe. Seo u se entseng, u phikolositsoe feela. Lea bona? Joale ha u nka... Ehlide, ba bang har'a lōna, ba babeli bao, hoseng hona, e ne e le basali. Mona mohlomong ho lutse banna ba Katolike.

⁷¹ Ha u ka khutlela histori ea kereke, ha u ka botsa moprista oa hao, "Liketso tsa baapostola bana ba ka hara Bibebe mona, na ebe ke mokhoa oo... Na bao e ne e le Makatolike mesong?" O tla

re, "E." 'Me ke 'nete. E ne e le bona. Joale, bao, shebang mofuta oa borapeli ba bona mohlang oo. Ba kopanetse tuloaneng, e sa khabang. Ha ba ka ba bitsa, "bo-Ahe Maria" kapa "Bontate ba rōna." Oo ke moetlo oa kereke. Ba itseng? Ba rorisitse Molimo. Ba hooa. Ba lla.

⁷² Shebang mona ho Liketso 2, mohla Moapostola Petrose ea halalelang, le Jakobo, le Johanne, le bao bohole ba kopaneng 'moho. Bibebe e ba tlalehile ba buile ka lipuo. 'Me ba hoelelitse, 'me ba itšoara tjena ba tletse Moea ha kana—ha kana ea ka ba tahiloe, 'me esitile lefatše le ka ntle le botsitse, "Na bana bohole ha ba tahoa?"

⁷³ 'Me eaba Petrose, moapostola, Santa Petrose ea halalelang, ha a ema, o itse, "Banna ba hesō le baena, banna bana ha ba tahoa, ba mpa ba tletse Moea," joalo ka—joalo ka Bibebe ha e ba boletsen ba tla etsa. Joale, eo e ne e le kereke ea mesong ea Katolike, ho latela thuto ea bona.

⁷⁴ Joale, lea bona, hoba ho fete lilemo tse batlileng ho ba makholo a mabeli, batlotlehi ba qala ba kena kerekeng. Eaba ba etsa'ng? Ba bopa mokhatlo oa bona oa pele Lekhotleng la Nicene, A.D. 606. Ba etsa ntho ea bona... Mohla Lekhotla la Nicene le neng le tšoareloa Nicaea, Roma, ba qala ba sunya batlotlehi bohole ba baholo ka hare, 'me ba bopa kereke feela, 'me ba etsa kereke.

⁷⁵ Ka mora moo, e pshatlehile hane kapa hahlano. Ba tlohile—ba tlohile moo, ho ea ho bishopo; ho tloha ho bishopo, ho ea ho mopapa. 'Me ho tloha moo, ha fihla ea Greek Orthodox le tse fapaneng, ho fihlela ba pshatlehile feela, ke hona moo le e bonang e le teng kajeno. Ho pshatleha ha mefuta eohle feela.

⁷⁶ Empa seo re lekang ho se etsa, motsoalle oa ka oa Katolike, lea bona, re katolike, le rōna. Rōna re katolike ea hoseng, ea ho qala. 'Me kereke eo ba re bitsang eona joale, boholo, re bitsoa pentekosta, hobane re lumela lehlohonolo la pentekosta.

⁷⁷ Ke hona moo kereke ea Katolike e hlophisitseng. 'Me mekhatlo ea Pentekosta ea rōna, kajeno, hola—hola lefatše lena le ka ema lilemo tse makholo a mahlano hape, mokhatlo ona oa Pentekosta o tla hoama ho feta kereke ena ea Roma e Katolike kajeno. E ritsetsa hole ho feta, ka ho tšoana. 'Me ha ba hlophisa, ba e fetola loje. 'Me ebe ba fetoha loje feela, le maloko, le meeaa e sa sokolohang.

⁷⁸ Ho baena le likhaiseli tsa ka, tse theko e thata, ho lōna kaofela. Joalo ka mohlanka oa Molimo, ha ke eso eue sena pele, lefatšeng, kerekeng ena, Ha ke eso eue le ka mohla. Empa joalo ka moporofeta oa Morena, ke re ho lōna, "Lena ke Leseli. Tsamaeang ho Lona." [Phutheho e a nyakalla 'me e re, "Amen."—Mohl.]



TUMELO SST61-0813
(Faith)

Molaetsa wona, ka Moena William Marrion Branham, o rerilwe sethatong ka Senyesemane a Sontaha hoseng, Phato 13, 1961, mane Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org